

薊縣志卷六

建置序

春秋興作必書重勞民也過時必書戒擾民也乃關乎建築之時焉形家相度地形以求合陰陽五行之說乃關乎建築之休咎焉曰時曰休咎固各有所取義矣其最要者乃在於事實之設計定之詩曰定之方中作于楚宮揆之以日作于楚室綿之詩曰周原膴膴荼如飴爰始爰謀爰契我龜曰止日時築室於茲公劉之詩曰相其陰陽觀其流泉要皆以設計爲先設計審且慎而事乃無不協夫談都邑之建置必首曰城池城池之基定而街衢而衙署而宮室而市廛而學校而祠宇而人民之居處舉宜有詳密之佈置故以言設險則固圉以言臨民則敷政而可漫然興作乎試登薊城而舉目四囑東西北三面則羣山星拱南面平遠無際河道縱橫城垣北圓南方隨山勢以爲高下鼓樓矗立正中映帶左右各寺院地卽爽塏大多數準規酌矩合乎建築之法式而獨樂寺尤爲傑出卽城外之所有古代建築亦多有可觀於以歎古人之精於建築

薊縣志

卷六 建置

城池

一

學理矣爰志建置

城池

城垣不知創於何代舊惟土城明洪武四年始營以磚石周圍九里十三步連女牆高三丈五尺堦口二千四十個南瀕沽水北倚山原城門三座東曰威遠西曰拱極南曰平津各有樓四角有角樓四座正北無門城上有樓名北極樓敵樓二座更鋪三十二間又東甕城門上石額曰迎旭明嘉靖年立南甕城門上石額曰陽谷崇禎年立皆修城時所刻以爲記者崇禎壬午年清兵入薊州全城被屠宮室俱燼城亦拆毀清室定鼎以後未及修葺歷年雨水淋刷漸至塌壞又遭康熙十八年異常地震以致西門甕城中空倒塌磚石常墜下傷人康熙三十三年州牧張朝琮蒞任之初卽捐募先修甕城共費千餘金並修葺東南二門俱煥然一新更以城下有水溝二道原係宣洩城內雨水一在東門之南一在南門之東久已淤塞每遇天雨水從城門中出街道成河因於康熙三十四年疏濬通利水可暢流闔城便之康熙三十九年十月初八日清仁皇帝謁陵回鑾州人鍾良輔李文錦等叩請修城清室命阿爾法清格理來薊修理於康

熙四十一年三月初六興工九月告竣三門各建城樓一座四角各角樓一座正北城上北極樓一座雉堞二千百七十城垣煥然重修矣康熙四十二年五月州牧張朝琮製匾懸掛三門東門東面曰永固西面曰東來紫氣西門西面曰永寧東面曰西拱神京南門南面曰永康北面曰達津雍正七年二月清世宗諭薊州知州遇陞轉離任時城垣亦列入交代

論薊州城係新修微有頹壞之處及時修理甚屬易事首視爲膜外任意遲延日久益費必致繁費其城垣坍塌之處請該州即行修補凡直省有款修城垣皆照此例行今東門城樓東面匾額爲震且長青雍正壬子年春三月立可爲當

時修補之証南門城樓燬於火聞在道光末年北極樓久廢無存民國三年縣長黃國瑄建觀瀾閣於其地溯自光緒以來城垣日漸坍塌未言廢亦難言守民國二十七年興安步隊於八月間來駐令商民修葺城垣彼時以事出急迫無從庀集磚石或起用城上海漫或拆用城外墻垛剝肉補瘡實可爲喻次年又修繕一次外周完整無缺內周則圯壞如故所僅存之東南角樓亦售以彌補費用雉堞則或斷或續無復崇甍屹屹之觀又兼民國二十二年長城戰役廿九軍駐薊於城下挖掘多數地洞藉避飛機後雖填塞土質虛鬆近已發現傾陷之處且海漫掀去大半恐不堪雨水淋刷矣城內

薊縣志

卷六 建置 城池

二

向以舊鼓樓分界東至東門爲文化街西至西門爲武定街南至南門爲太平街北至種植園爲拱星街三門各有馬道東門馬道以東南東北名南門馬道以東西名西門馬道以西南西北名東門外爲東關廂住民稀少西門外爲西關廂街長里許南門外爲南關廂街長一里前三關俱各有集場今無現歸南關大編鄉內池自東門至城東北角藉洗心泉之水闢爲稻田南端爲蓮塘夏季風送荷香頗宜瀏覽自東門至東南角昔爲校軍場今一道通行之外已闢爲田圃中有一渠以通洗心泉水於南門之前自南門至東南角除此渠外淤墊成爲平地無壕可言自南門至西門僅有溝渠以通白馬泉之水而樹木叢蔚風景尙佳自西門至東北角壕深三四丈闊七八丈形勢未改於昔日者此段而已舊志載東門至南門深六丈闊五丈南門至西門深一丈闊七丈西門至東北角深三丈闊八丈自東北角至東門深一丈闊十丈此段內向有蓮花歷年淤澱幾成平地而蓮藕尙多後蓮藕亦無泉源僅存一脈嘉慶十五年州牧趙錫蒲捐資挑挖並於堤岸栽柳以護之今河雖存間有淤塞更當籌畫挑濬矣今又百有餘年滄桑之變在所難免惟東門以北於民國十八年經建設局栽植多數楊柳將來

長林茂密足繼趙公堤柳爲附郭之風景也

機關

縣公署東爲新鼓樓大街西爲舊鼓樓大街即拱星街前爲縣公署街後爲縣公署後街舊州署堂廳房屋多數百年舊物坍塌者無論矣存在者聊避風雨向有官不修衙之諺民國廿六年十月知事冉杭於大堂後改建辦公廳頗壯觀瞻而使庶政二十七年夏因兵燹大堂北盡燬於火知事游伯麓蒞縣假民衆教育館辦公舊爲城隍廟及火神廟終於其任者三年有餘知事徐葆瑩於三十年十月到薊慨舊署之鞠爲茂草鑒教育館之僻在一隅爰於三十一年四月召集全縣商民代表成立修建委員會於四月二十日興修九月竣工規模擴大廳廡周備局面爲之一新大門三間巨柱高撐東偏爲看守所房十四間內有土地祠西爲監獄房十四間內有獄神廟舊儀門三間重修裝設門窗內東羣房八間現爲法警室爲地方電話管理所又東北高大之房五間爲汽車室南爲司機生宿舍三間又東修械所四間又南有廂房五間西羣房八間現爲經征處爲稅契處北去數武階三級卽爲行政出令之所在凡三院正院第一進房五間東二間爲

薊縣志

卷六 建置

機關

三

接待室西二間爲法廳第二進房五間東二間縣長辦公室西二間會客廳後爲縣長公館門樓一座東西廂房各三間北上房五間西院前爲圍房邪山轉角包南西北三面共十七間現爲各科辦公室後爲北正房三間耳房一間西廂房三間南正房三間現爲職員宿舍中西兩院析爲四所東院房皆平行四進一進十二間二進六間爲禮堂三進六間四進八間禮堂東廚房二間在中東西院之間者有茶役室二間以上共房一百五十六間又縣署東南一角向爲民宅因修公署同時價置計房二十四間以上共用國幣十二萬三千餘元由全縣籌攤於九月遷入辦公舊州署匾額楹聯撤燬皆盡新署告成教育館長王錫三爲聯云修萬間廣厦種一縣桃花現懸之楹柱云警備隊部在縣公署西南部原爲舊州署之驛號驛遞裁汰地亦荒廢民國十四年縣長濮吳譚闢爲薊縣公園民國二十八年警備隊成立本部遂設於此臨街正房七間北正房三間又北正房六間再北爲辦公室六間高廠宏壯去年與縣公署同時修築者也

縣公署警察所在西街關帝廟內正房四進各三間三進爲關岳合祀殿後進爲會議

室昔係佛殿門窗新式裝置而上覆黃琉璃瓦宏壯高大昔日崇拜關公廟載祀典故多儼然王者宮殿也會議室東有耳房一間室前東西各有廂房三間室後北院有拘留所五間東院正房四間所門卽昔之山門

清鄉隊部設於新民教育館內自縣公署遷入新建公署後令教育館遷回舊址民國三十一年十一月自衛團成立本部卽設於此三十二年一月改爲清鄉隊

街坊

尙書坊爲順天壬午年貢生禮部尙書賈斌立今廢無存

五攀丹桂坊爲天順乙未進士通政使毛倫宏治戊午舉人通判毛應時嘉靖癸丑進士戶部左侍郎毛綱萬歷辛丑進士戶部郎中毛維騶天啟辛酉舉人毛雲翰立今廢無存

三宴瓊林坊爲毛倫毛綱毛維騶立今廢無存

都憲坊爲成化戊戌進士巡撫劉聰立今廢無存

都憲坊爲成化甲辰進士副都御史歐信立今廢無存

薊縣志

卷六 建置 街坊

四

柱史坊在太平街爲嘉靖癸丑進士京畿道王汝正立存其基

□□坊在鼓樓西爲成化戊子舉人知縣李達宏治壬戌進士長史李莊崇禎戊辰進士知縣李寅賓立存其跡

大司成坊在鼓樓前爲嘉靖乙丑進士祭酒成憲立現存

□□坊在武定街爲總兵成勳立現存其跡

三藩秉憲兩試監臨坊爲嘉靖庚戌進士巡按崔棟立今廢無存

兄弟進士內外憲台坊爲嘉靖丁未進士巡撫李秋嘉靖己未進士僉事李穉立今廢無存

恩榮坊爲明御史崔江立今廢無存

三世元戎兩京都護坊爲廩生蔭襲指揮張士顯立今廢無存

紫宸聯侍坊爲蔡如蘭蔡如蕙立今廢無存

鄉進士坊爲劉麒立今廢無存

刎頸殉夫坊爲劉氏立今廢無存

貞烈坊爲方氏立今廢無存

舊各衙署 錄舊志

州署在城中之東偏東至小察院署西至拱星街南北俱至通衢隋置漁陽縣唐初入幽州武后時營州失寄治漁陽遂屬營州開元初屬幽州後置薊州治遼金仍其舊址元至正時達魯花赤擴而新之明初重建景泰三年芝產後堂州牧姚恭區爲靈芝堂成化年州牧汪溥重修崇禎末焚燬順治四年州牧文煥創修大堂五間順治七年州牧于際清重修區曰秉公堂又區曰天監在茲康熙二十五年州牧楊天祐立區於堂曰報朝廷某事榮父母某事寬百姓幾分留子孫幾分此區旨乃通永道宋公華述後大堂圯壞康熙三十五年州牧張朝琮重修區曰忠愛又區曰居斯位者仰觀俯視頭上青天眼前赤子貪念莫生酷刑莫使貪酷由人報應孔邇身或漏網殃及必嗣宜監於茲慎終如始堂柱對聯曰先勞無倦俾葑屋茅簷線線熙熙共樂昇平始不媿一生幼學節用時使願黃童白叟親親長各安耕鑿知猶是三代遺風堂簷柱聯曰祈寒暑雨惟怨惟咨我心愁焉用是思艱圖易撫字催科孰工孰拙民力竭矣何堪剝肉醫

薊縣志

卷六 建置

舊衙署

五

瘡諸區聯俱張公手書大堂下東西皂隸房左右糧房右兵刑工房堂左承發房堂右收糧房甬路前爲御箴坊今坍塌廢坊前爲儀門康熙三十五年州牧張朝琮重修手書對聯曰我縱愛民畢竟見官無好處爾能忍性方知省事得便宜儀門下左爲倉今廢倉南爲土地祠西爲寅賓館今無存右爲監儀門南爲大門康熙四十一年州牧陳廷柏重修大門東爲旌善亭西爲申明亭今俱無存東柵舊曰安民坊後坍塌重修曰承流宣化西柵曰漁陽古郡柵外西南樵樓一座明崇禎時焚燬順治年州牧黃家棟重修康熙十八年地震坍塌康熙三十三年州牧張朝琮重修區曰畿東鎖鑰又區曰古漁漁陽乾隆十一年焚燬存其基道光甲申年州牧華濬重修製匾懸之南北仍曰古漁陽曰畿東鎖鑰大堂後爲二堂三間區曰潔己愛民州牧董廷恩立又東一間爲庫房又西一間爲簽押房二堂後爲內宅門內爲三堂共五間左右廂房各三間最後有住房三間二堂之東爲東花廳廳後書房六間廳東角書房二間二堂之西爲書房前後各三間三堂西北有住房六間然俱亟宜修葺科房亦坍塌無存道光十年秋州牧沈銳捐廉重修自東西兩柵以及大門二門科房大堂三堂煥然一新并顏額於三堂遜

志堂爲松湘浦相國筠手書顏額于花廳後之書房曰得門退舍跋其後云詩曰佈政優優蓋云閒也易曰終日乾乾閒未得也夫必得所得而後閒其閒自公退食豈虛致哉春淙制府來刺是州則顏其額曰得閒一似深羨乎此者風塵鞅掌獲領名賢之嘉言懿旨幸矣爰仍而新之廣曰退舍公餘憩息恬退爲宜且以作退一步想云爾若謂希蹤先達也余何敢區爲沈銳手書又於三堂東添廚房五間三堂西添住房五間以資栖止

戶部銀庫舊在大堂西今無存

州同署在二堂東今無存

州判署在戶部銀庫西今無存

以上三署基址俱併入州署內

州判署後移於文化街在察院舊基後裁於雍正五年復設州判官又於嘉慶六年改駐大城所有河務交中營巡檢代管署遂廢嘉慶十六年吏目劉翰彬請修奉文准借正項修補遂爲吏目署今無存

薊縣志

卷六 建置

舊各衙署

六

吏目舊署在薊署東北隅大門一座門內東土地祠西古槐一株相傳安祿山時卽有二門一座堂三間堂下東書辦房堂後宅門內後堂東爲住宅二層共六間又書房一間後堂後又三間後復有空基今存其基

漁陽驛署舊在南門外卽今之管驛庄明天啟二年移於文化街路南崇禎年焚燬猶存其址後移於東察院卽舊道署廢基內大門一座東土地祠一間康熙三十八年驛丞鄔棠修建二門五間左二間書皂房右二間徒犯房倉堂三間又東西各一間堂後宅門內住房五間東廂房二間西廂房四間兩廂房皆茅舍今俱無存現移驛號於州署之西

都司係守備改設守備署在州治東南文化街路北中爲堂三間東書房九間西花廳三間又西茶房五間堂後住宅堂前儀門又前大門門外東爲中軍廳崇禎年焚燬後都司賃民房而居今闔營公置民房一所爲署在上井之南

兵備道署在州治南舊爲營州衛改建道署明季設薊遼軍門遂改爲軍門公署增一新倉大門一間正廳三間廩房三間道署移於東察院舊署軍門公署壬午年焚燬後

改爲考院又改爲倉

戶部分司署在州治西南大堂五間曰經濟堂堂左右皂隸房各三間後爲後堂三間東西書房各三間東爲住宅大堂西南爲書吏房堂前爲儀門門外東爲賓賓館西土地祠中大門三間外東西各鼓臺一座迤東州縣館迤西答應官廳南爲中軍廳東柵曰畿甸持籌西柵曰薊門鎖鑰明季焚燬移住鼓樓東餉府行館後分司奉裁改爲外馬圈今無存

考院在州治東北隅大堂五間考棚七十七間左右皂隸房各三間堂後後堂五間左廚房三間右吏書房三間又後寢堂五間東爲廁房後花園亭一區考棚前爲儀門又前爲大門外東西各鼓臺一座旗臺二座東柵曰紀綱法度西柵曰禮樂文章大門西監司廳又西有司廳後改爲鑄錢局自錢局裁除遂爲空基嗣後歲科考試俱赴通州應試路遠費重每遇水發之時路更難行生童愈苦是以本郡及玉田遵化豐潤寶坻五州縣生童俱欲援本府屬之文安大成二縣就近改赴河間府應考之例各州邑生員鍾良輔李如蒞等公請於郡守願各捐資循舊例於薊州建考棚州牧張朝琮卽首

薊縣志

卷六 建置 舊衙署

七

倡捐資卜擇於治東南舊軍門公署廢基生員李如蒞監生朱名弼傅名卿督工司事週立圍牆建造考棚三十五間柵南圖魁像於龍門柵北臨曰冰壺玉尺州牧張朝琮立並書柵北大堂五間堂下東西皂隸房各二間後川堂三間左右廂房各三間後住宅五間左右廂房各三間宅東廚房三間茶房一間大堂西外廚房一間考棚前爲儀門左右角門又前爲大門門外照壁一座旗鼓臺二座東轅門曰紀綱法度西轅門曰禮樂文章內巡捕廳二間掛號房一間於康熙四十四年三月初七日興工六月初一日完工隨具文通報蒙通水道李批仰候學院批示錄報繳蒙守道金批仰候學院批示繳蒙學院楊憲牌內開查據薊玉等五縣生員既苦路途跋涉資斧艱難自願於薊城修復考棚呈請就近考試經該道查復前來相應允其所請以便士子康熙四十四年六月初五日學院按臨薊州科試薊玉遵豐寶五州邑生童立匾於大堂曰英才蔚起匾首曰薊舊有校士著頽廢以來士子遠赴潞河暑雨徒涉州大夫倡興以復厥舊兩月既工余蒞斯堂樂肇建有成而卜畿東文運之隆也康熙乙酉六月望前二日督學講官楊名時題後於雍正八年焚燬乾隆二十八年改建倉廩

薊州衛署在州治西南今無存
鎮朔衛署在州治西北今無存
營州右屯衛署在州治西南今無存
遞運所署在南門外今無存
庫大使署在州治南今無存
倉大使署在州治北今無存
僧正司署在州治西今無存
道正司署在州治北今無存
陰陽學醫學俱在鼓樓前今無存
東察院在州東文化街後改爲兵備道署嗣後道員奉裁改爲漁陽驛今無存
上察院在舊考棚西今無存
前察院在州治東後改爲館驛今無存
小察院在餉府東後爲外馬圈今無存

薊縣志

卷六 建置

舊各衙署

八

通判署按通判於乾隆元年建設無署可居因於州治東南買民房一所改造爲署至乾隆三十九年復將通判裁汰署遂廢日漸倒塌復作價買與民人銀兩歸正項充用黃花山守備署在州東北四十二里孫各莊堂三間堂後住宅五間堂東書房二間堂前爲二門又前爲大門
左哨千總署在守備署西
右哨千總署在左哨千總署內
黃崖營千總署在州北五十五里黃崖關城內
將軍石關把總署在州北五十里岢山集北上營城內
巡檢署在中營於嘉慶六年奉文兼管河務遂移駐城內賃民房爲署
各鎮公館六處一在馬伸店一在別山店一在澗溜店一在上倉店一在邦均店一在公樂店今俱廢無存
演武廳在城外西南正廳三間後堂三間東西廂房各三房旗臺一座後無存基趾亦在旗圈內今教場改作東門外城根下房臺俱無

勸義坊在州治東南大門一座正廳三間東西耳房各三間大門外藥器樓一座後焚燬無存

養濟院在西門外正草房五間東西廂房五間

學宮 錄舊志

至聖先師廟在州治西北東至拱星街西至尉官胡同南至道衢北至倉前行路正殿五間東西廡各五間知州事于際清胡國佐屢次重修康熙四十一年知州事陳廷柏重修乾隆三十七年知州事梁肯堂倡率紳士李呈顏崔鈺何希閔張瑋王之烈捐募重修嘉慶十三年知州事趙錫蒲倡率郡紳王友夔王維垣王維祺李增王友甫張占鼎蒙國舉等捐募粘補殿前松樹三株葱青蕃茂其東南一株枝皆側出曲偃如虬龍但東廡房屋被壓折棟頗受其累復以石柱架之俾悉臻妥善

按舊志云北至倉前路今不但倉已無存且其基址亦改爲種植園矣至云松樹云云亦於民國十七年盡被砍伐無存

戟門三間州牧胡國佐董廷恩修清康熙三十四年州牧張朝琮重修嘉慶十三年州

薊縣志

卷六 建置 學宮

九

牧趙錫蒲倡率紳士等捐募重修

泮池石橋三座清康熙十四年州牧余時進修

櫺星門照壁康熙十四年州牧余時進修嘉慶十三年州牧趙錫蒲倡率紳士捐募重修

名宦鄉賢祠舊在戟門之西康熙十四年州牧余時進移名宦祠於戟門之東西仍爲鄉賢祠

崇聖祠五間清康熙十四年州牧余時進修乾隆六十年學正李吉人倡率紳士崔鈺金文基捐募重修改作三間

忠孝祠在大門內東偏舊齋基之上今廢無存
節義祠在舊道署之西今無存

敬一箴亭向在戟門之東康熙十四年州牧余時進重修後改爲名宦祠

舊志云明倫堂西北隅有敬一箴碑其亭又疑在是

聚奎館在明倫堂東久廢無存

尊經閣五門在

崇聖祠後今無存

奎星樓向在學署大門內東偏樓北爲正誼修業進德三齋久廢後改爲學正宅今齋樓俱無存清乾隆五十年州牧王若常移奉奎星像於城東南角樓上
明倫堂三間在

先師殿東北係清康熙十四年州牧余時進修匾曰明倫堂聯曰道德必本彝倫君臣父子夫婦昆弟朋友事事無慚纔能自立於天地進修惟存擇執博學審問慎思明辨篤行時時弗間庶可漸希於聖賢清康熙二十八年順天府丞王晉徵題今已無存清乾隆三十八年學正李實生倡率紳士李呈顏崔鈺等捐募重修堂前左右齋房各三間久廢無存堂畔古槐二株今止存其一詩書禮樂坊一座清康熙三十四年州牧張朝琮重修坊前松樹一株老幹盤踞色青勢古今無存

大門清嘉慶八年學正李吉人訓導劉振生倡率紳士崔鈺捐募重修大門外之東向有古槐一株尤爲葱鬱清康熙三十九年大風吹倒今無存

蘄縣志

卷六 建置 學宮

一〇

學正署向在明倫堂後久廢無存學正魯斯蓋草房於大門東齋基之上後來者俱居於此嗣後又移於明倫堂後

訓導向來無署可居清康熙三十九年訓導馮營捐資蓋茅屋數間於明倫堂北後又移於堂之東

臥碑清順治二年欽定曉示生員勒石於明倫堂

至聖先師孔子贊詞清康熙二十五年御製頒發到州立碑於正殿之左其詞曰蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下兼刪述之權明道之聖人也行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深故摘筆而爲之贊曰清濁有氣剛柔有質聖人參之人極以立行著習察舍

道莫由惟皇建極惟后綏猷作君作師兼統萬古曰惟堯舜禹湯文武五百餘歲至聖誕生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趨日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景觸唐虞載歷庭除式觀禮器藹毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高數仞夫子之堂孰窺其藩孰窺其徑道不遠人克念作聖

清康熙二十七年御書萬世師表四字敬製匾額懸掛於正殿之前清康熙二十八年御製顏子曾子子思子孟子贊勒石於正殿之右顏子贊

聖道早聞天姿獨粹約禮博文不遷不貳一善服膺萬德來萃能化而齊其樂一致禮樂四代治法兼備用舍行藏王佐之器

曾子贊

洙泗之傳魯已得之一貫曰唯聖學在茲明德新民止善爲期格致誠正均平以推至

蘄縣志

卷六 建置 學宮

一一

德要道百行所基纂承統緒修明訓詞

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁與義性善獨闢知言養氣道稱堯舜學屏功利煌煌七篇並垂六藝孔學攸傳禹功作配

清雍正二年御書生民未有四字敬製匾額懸掛正殿乾隆三年御書與天地參四字敬製匾額懸掛正殿嘉慶三年御書聖集大成四字敬製匾額懸掛正殿道光元年御書道協時中四字敬製匾額懸掛正殿

民國二十五年王知事與公倡辦將正殿兩廡及大門等均大加修飾煥然一新勒石立碑以資紀念

按學宮之爲制爲地方教育之中心關係至爲重要故歷代皆設專官以董其事自

科舉廢學校興教諭訓導均歸裁撤然民國以來國體雖更而尊孔疊奉明文祀孔已成令典是所廢者學宮之官制學宮之精神仍在也可見孔子之道與天地日月而同光不因時勢遷流而稍晦故於學宮沿革及清代各帝所頒頒贊匾額均依舊志錄列蓋尊師重道事有變遷理無或異至忠孝節義之祠於人心風俗所關尤重舊志或存其基或存其名今亦依舊錄列俾後之賢者顧名思義隨時興起以彰既往而勵將來

壇廟祠觀

風雲雷雨山川城隍壇在城南三里

社稷壇在城西北三里

先農壇在城東六里圍房莊東今止存壇址

厲壇在城北三里

八蜡廟在城東北四里地名四方台

天寶觀在縣署後西鄰公輸子廟光緒初年改爲忠義祠今廢殿基均歸校用

薊縣志

卷六 建置

壇廟祠觀

一一一

獨樂寺在西門內閣上匾額觀音之閣唐李太白書寺內東偏於乾隆十八年建立座落並於寺前改立柵欄照壁巍然改觀

白塔寺在城西南隅不知創自何年以寺後面有白塔一故名於乾隆六十六年直隸總督梁公肯堂奉旨重修白塔立石塔下題曰奉旨重修觀音寶塔今殿基均改歸城內初小校用

廣福寺在縣署後相傳爲安祿山府改造然無可考乾隆五十七年州牧劉念拔倡率紳士崔鈺張揚澄等捐募重修今改爲初中學校

淨土菴在文化街南明萬歷三十五年創修嘉慶十六年四月十五日焚燬

龍泉菴在城東南隅今改設初級小學

興隆菴在城東北隅今改設初級小學

裕昆菴在城東北隅今住女尼

觀音菴在城東北隅今將頽廢

準提菴在城東北隅今廢基址無存

般若菴在城西北隅今將頽廢

孔雀菴在城西北隅今廢基址無存

白衣菴在城西北隅今廢基址無存

圓通菴在城西南隅菴前有四眼井

文廟在城西北隅今存東院爲舊儒學於民國二十一年縣立女子完全小學校移此

武廟在城東北隅倉神廟之東久已折毀無存惟遺碑一尙在

文昌廟在文化街嘉慶二年州牧張顏倡率紳士崔鈺金文基捐募重修今改爲警察第一分所

城隍廟在城西北隅南至武定街坊曰顯佑坊廟前曰理幽贊化背曰我能爽報大門匾曰城隍廟又匾曰你來了嗎康熙二十八年直隸巡撫于成龍立大殿匾曰糾察殿東西配殿各三間塑十二司像正殿西爲土地祠東真官祠後殿三間爲寢宮大殿前馬殿三間廟前牌坊乾隆十五年州牧誇喀重修今存已無偶像歸教育館及清鄉總

薊縣志

卷六 建置 增廟祠觀

一三

隊部佔用

火神廟殿後附文王殿在城西北隅西鄰爲城隍廟今存已無偶像現歸清鄉總隊部佔用

馬神廟原在城隍廟西久廢無存後建於州署漁陽驛內亦廢

關帝廟城內有四處一在南門甕城久廢一在火藥局之西俗曰小關帝廟久廢一在北城根下曰上關帝廟今存已無偶像現改爲縣立醫院一在武定街現關岳合祀正殿三間餘房警察所佔用

藥王廟在城西北隅今存已無佛像現被新民會佔用

天齊廟在東門甕城今坍塌無存

玄帝廟在北城根俗稱真武廟東柏樹二株八杈鐵幹虬枝數百年物也廟久廢

財神廟在文化街已無偶像現商會佔用

倉神廟原在倉大門外迤東今倉基改爲因利種植園廟在園門外

張大明王廟在城東北隅爲預備倉舊址殿宇久廢基址猶存歸獨樂寺小學管業計

地十畝四面見街無鄰居

眼光娘娘廟在西門壘城今存

公輸子廟東鄰天寶觀光緒五六年由恒和木廠倡首重修今存

奎星樓在州治東南文化街乾隆七年州牧錢孫振建基至乾隆十五年州牧誇喀修竣上建重樓爲奎星像俗名曰新鼓樓

紫竹庵在東門外東北

悟樂庵在州北四里崆峒山下

桃花寺在州東十八里桃花山上

藥王廟在州境者十一在州東三十五里峯山莊一在州東十里黃土坡一在州東三十五里三岔口一在州西二十五里牛頭山一在州西三十里邦均店一在州西五里段家嶺一在州西四十八里公樂店一在州南四十里城子口一在州南三十五里上倉店一在州西南六十三里西屯

娘娘廟在州境者八一在州東三十五里馬伸橋一在州東十五里三家店一在州西

薊縣志

卷六 建置

壇廟祠觀

一四

三十里邦均店一在州西六十五里栲栳山一在州南四十里蕭流莊一在州南三十里上倉店一在州南六十里下倉店一在州南五十二里蒙家鄧

三官廟在州境者五一在州東三十五里馬伸橋一在州東十五里大屯一在西門外

一在州南五十八里後屯一在州南六十里小楊家莊

三義廟在州境者三一在州東三十五里馬伸橋一在州西三里大路傍一在州南十

二里澗流店

龍泉寺在州東三十里穿芳峪

龍鳳寺在州東五十里驗甲宮

隆峯寺在州東五十里好女塔

橫明寺在州東五十里好女塔

雙峯寺在州東三十五里三岔口

大聖寺在州東三十五里徐官屯

龍山廟在州東四十五里太平莊

淨土寺在州東十四里十百戶

悟空寺在州東南二十里彌勒院莊

龍泉寺在州東北五十里黃花山下

關帝廟在州境者十九一在州東五里五里碑一在州北崆峒山上一在州東七里七里峯一在州東六里毛家莊一在州東三十里窯舖莊一在州西三十里邦均店一在州西六里刀剪營一在州南二十五里鄭家套一在州東南三十五里別山店一在州南四十里柳子口一在州南四十里台頭莊一在州南二十五里張家店一在州南十里管城莊一在州南五十里馬龍港一在州東南三十五里下李家莊一在州北五十里下營一在州西南七十里張仙莊街中聖像雄壯可畏

眞武廟在州境者十二一在州東二十五里壕門一在州東二十五里上塄頭一在州東二十五里下塄頭一在州東十六里張家店一在州東二十里東馬坊莊一在州東三十里八百戶一在州西三十里邦均店一在州東南五十里枯樹莊一在州北六十里黃崖關一在州北五十里下營一在州北五十五里車道峪一在州東南五十二里

薊縣志

卷六

建置

壇廟祠觀

一五

蒙家鄣

三柳庵在州東五十里淋河莊

三教堂在州東三十五里峯山莊

玉皇廟在州境者三一在州東五十里黃花山上一在州南四十里王新莊一在州北四里崆峒山上

普渡庵在西關廂外

白衣庵在州境者四一在西關廂外一在南關廂之西一在州南三十里上倉店一在州北四里崆峒山下

通濟庵在州西五里大路傍

圓通庵在州西十二里南營莊

甘露庵在州西十八里孫各莊

英國寺在州西二十二里胡李莊

天齊廟在州境者四一在州西三十里邦均店一在州南六十里下倉店一在州東南

五十里胡家樓一在州南四十里台頭莊

西方寺在州西三十里邦均店

皇姑庵在州西四十里白澗又名香花庵乾隆十八年建立行宮於庵右

茶棚庵在州境者二一在州西五十里段家嶺一在州東南七十里新安鎮

吉祥寺在州西南六十里桑梓莊

天仙宮在州境者三一在西門外一在州東南三十里別山店一在州西十里五名山

竈君廟在西門外

無樑殿在西門外竈君廟東

斗母宮在州西二十里九華頂上

二聖廟在州西六十五里栲栳山

草庵在州西五十里楊木匠溝

觀音堂在南門外

大王廟在州南五里沽河沿

蘄縣志

卷六 建置

壇廟祠觀

一六

淨龍寺在州南十三里韓家寺莊

無盡寺在州南十六里涼水泉莊

法興寺在州南二十五里果各莊

海雲寺在州南五十二里老曲莊

海覺寺在州南六十五里洵沽二水合流處河沿

旛杆寺在州境者二一在州南五十八里小營一在州南六十三里西屯莊

準提庵在州東南三十八里八溝莊

永善寺在州東南二十里楊家樓

大安寺在州東南六十五里迷王會

興隆寺在州南四十里城子口

龍壽庵在州南十二里龍灣莊

興隆庵在州境者二一在州西南十六里限渠莊一在州南五十里王家店

盈福寺在州西南十八里牛宮莊

觀音庵在州境者二一在州南十八里趙各莊一在州南六十里太河莊
青龍寺在州南四十二里青甸莊

護國寺在州南六十里侯家營

義井寺在州西南三十五里康各莊

觀音寺在州境者三一在州西南六十五里廖家莊一在州南二十里李家莊一在州南三十八里後屯莊

普同寺在州西南七十里張仙莊關帝廟西

東嶽廟在州東南十里神仙嶺上神仙嶺卽翠屏山

府君廟在州境者二一在州北崆峒山一在州東南三十里別山店

廣成子殿在城北崆峒山嘉慶十五年州牧趙錫蒲重建

大寺在州南十六里周各莊

彌陀庵在州東南

香林寺在州西北四里

薊縣志

卷六

建置

祠祀

一七

環秀寺在州北三十五里頭道河沿又名了香寺

龍泉庵在州北四十里王家莊

千佛寺在州北四十三里中營

九戶寺在州東二十五里九百戶

翠雲寺在州東六里今廢無存

雲泉寺在州東南十五里

廣濟寺在州西北二十里今廢無存

白雲寺在州東北三里今廢無存

盤石庵在州西

新泰庵在州北香林寺東南

永善寺在州南二十里秦家采村

海潮庵在州東南五十里三道港

祠祀

報功祠舊名鄒公祠明景泰時都指揮劉輔爲鄒公立成化時郡人秦崗徙於州治東北正德時增祀閻公邵州人楊公武進人孟公澤州人并鄒公麻城人今無存
永思祠在州治北郡人建祀州牧鄭公爵魁龍溪人今無存

崇德報功祠郡人建祀經略袁公應泰邠西人兵備道高公邦佐山西人吳公中明南直人袁公和河南人邵公可立商邱人今無存

楊公祠在甕城內郡人建祀州牧楊公忠裕今無存

景忠祠在馬伸橋祀前御史吳公可讀可讀甘肅皋蘭縣人咸豐三年進士由部曹官御史劾悍帥觸忤失官穆宗嗣位起爲吏部文選司主事己卯歲穆宗奉安山陵可讀送梓宮往禮畢仰藥於馬伸橋道觀蓋光緒五年閏三月初五也遺書一通詩二章遺書屬知薊州劉枝彥呈總督府尹達吏部代奏府尹周家楣咨部以聞詔贈公道銜照道員例賜卹命國史館立傳大學士直隸總督李鴻章奏建祠薊州

按自興辦學校以來多改佛殿以作講室校舍兼以打倒偶像破除迷信爲口號於是城內外以及鄉村中之古寺院被毀棄者良非少數至峯頭嶺上昔日所稱鐘聞

薊縣志

卷六

建置

祠祀

一八

下界者亦以入民國後匪患瀕仍常盤據於禪堂僧舍一經勦捕遂以累及釋氏而遭焚燒之慘禍是亦可瞻人民思想之變遷古今情勢之遞嬗蓋有不可思議者矣